

سنہ : ۲


۳۱ اگست ۱۳۳۵

عدد : ۱۸



تاریخ وادنیات

جلد ۱۳۳۶



برکون بیلنیر قیمتی مجموعہ ملک اما
پاک چوق آرا ایر اور تہہ مجموعہ یولنور

ایتدک شرف خدمت اجدادی فراموش
آثارینہ اسلافزک و غیت اولنور

ملک و ملتہ نافع ، تاریخ ، ادبیات ، فنون ، اقتصادیات و شئون سائرہ متعلق
مباحث مفیدہ فی حاوی مجموعہ شہریہ در

شاعر مشهور نفعی نك بر مکتوبی [۱]

اول یکانه دورانه علاقه و انجذاب درون اول مرتبه دن افزوندرکه
کنجیده همیان تعیر و سنجیده میزان تقریر اولمغه مجال ویا مکتوب
ایله اعلام و تفصیلنه احتمال اوله
خصوصا صهبای حب و ولالری بر وجهله هوشربای مخلص بی ریا
و تفرقه انداز جمعیت سپاه خواص و قوی اولمشدرکه بر لحظه ترتیب
صفوف سطور و ضبط قلم منظوم و منشوره توجیه خاطر امر محالدر
دعای رفعتترینه مواظبتنمز تفصیلی ایسه باعث القای تصدیق اولدیفندن
غیری خوش آمد کویان ایله همحال اولمغه راجع اولمق احتمالیله سد
باب تکلفات و طی تعصقات اسجاع و فقرات رسم خلوص و موالاته
اوفق ملاحظه اولنوب مخلصانه آنها اولنورکه رشته سطورده کشیده
ودرون کاغده پیچیده قلوب صورت مکتوبده اهدا بیوریلان جواهر
کرانبها ایمن اوقانده وصول بولوب کاه محبوب زیبا مانند صدرسینه یه
نهاده و کاه کل رعنا صفت نسیم تکریم ایله کشاده قلندقدده هر لفظی
کوهر شجرآغ کبی خانه درونی پر نور و هر اداسی جام مصفاوار دماغ
جانی مست صهبای سرور ایتدی . کویاکه

نه نامه در بوکه حسن بیان عتوانی

ایدر کشاده دل و طبع مستمندانی [۲]

قصیده سنی بو مکتوبه جواب اولمق ایچون نظم ایتیشز دیه جکمز کلیور. الحق
مکتوب دکل سحر ایله مصنوع بر جوان مطبوعدرکه اندام بالای دلربا کبی
موزون و دلکش و فحواسی درون شعر اکی جواهر معانی ایله پر زیب و بهادر.
اول سبیدن یاران صفا دائما دوشه الباس پر نیان تحسین و کوشنه

[۱] جناب نفعی نك خط دست استادانه لری ملت کتبخانه سنده واددر .

[۲] نفعی نك بو قصیده سنی صدر اعظم نصوح پاشا حقنده در ۶۶ بیت

تفای جواهر بارک الله و آفرین ایله تشریف و تزیین اوزر لر در .
 نیاز مند زک من بعد دخی بوجه اوزر باب معامله مفتوح اولوب
 طبع دریا کر دار لرندن سنوح ایدن لائی اشعار آبداردن و اول اطراف
 و اقطارده اولان یاران تازد کویانک آثارندن ممکن اولان مرتبه ده
 ارساله همت و اهتمام بیوریه که بوندن زیاده احسان اولمز . خصوصاً که
 طالب و شفای و شکوهی اشعارندن ممکن اولدقچه ارسالی لطف عظیمدر
 یقینلرده واقع اولان اشعار مزدن شیخ اسلام حضرتلرینه و حالا متوجه
 بیت الحرام اولان برادرلری عبدالعزیز افندی حضرتلرینه دید و کمز
 قصیده لر حضور شریفه ارسال اولندی . [۱]

بعد الیوم دخی صدور ایدنلرک ایصالنده اهماان اولنمز . باقی
 همواره مسند آرای سریر سرور اوله لر .

من المحب المشتاق

تقی



لسقوفه لی غالب بکک غزلی [۲]

شعله حسرت کلور داغ سرمدن رنک رنک
 منجلیدر جوهر عشق، افسرمدن رنک رنک

[۱] اوزمان اکثر مکتوبلره تاریخ قونلدیغندن بقباق نفعینک بومکتوبنده
 تاریخ یوقدر لاکن بیان ایلدیکی سعدالدین افندی زاده عبدالعزیز افندی ،
 ایکنجی دفعه روم ایلی صدارتی احرازدن صکره ۱۰۲۶ سنه سنده حج شریفه
 متوجه اولسنه و اولوقت ایکنجی برادر ی اسعد افندی ده شیخ الاسلام بولنسنه
 نظراً جناب نفی بومکتوبی ۱۰۲۶ سنه سنده یازمش اولدینی نمایان اولور .
 شیخ الاسلام اسعد افندی اولده بیوک برادرلری محمد افندی شیخ الاسلام
 ایدی . نفی نک دیواننده شیخ الاسلام محمد افندی حقنده بش عدد قصیده سی
 برادرلری قاضی عسکر اسعد افندی حقنده ایکی قصیده سی و عبدالعزیز افندی
 حقنده برقصیده سی موجوددر .

[۲] نامق کمال بکک غزلیله بر نظیره سی کچن نسخه مزده محرردر .